

1. UVOD

Cilj teme specijalističkog rada "Hartije od vrijednosti u funkciji finansijskog tržišta" je upoznavanje sa osnovnim pojmovima o harijama od vrijednosti koje se pojavljuju na finansijskom tržištu, njihovim osobinama, načinu izdavanja, prenošenja, trgovanja odnosno cirkulaciji na finansijskom tržištu.

Finansijsko tržište je organizovani prostor s elementima potrebnim za njegovo funkcionisanje (vrijeme, pravila i uzanse kupoprodaje), na kome se susreću ponuda i tražnja finansijskih sredstava, kao što su efektivni domaći i strani novac, hartije od vrijednosti, potraživanja itd.

I svaki investitor, izdavalac ili korisnik hartije od vrijednosti koji učestvuje na finansijskom tržištu očekuje određenu isplatu novca, kamate, zarade ili dividende

Međutim, prije nego što se upustimo u određene finansijske transakcije, moramo imati u vidu da je gubitak moguć u svakom trenutku, i da to ne smijemo shvatiti kao "propast svijeta". Siguran recept za investiranje nema, niti postoji mogućnost uklanjanja svih nivoa rizika.

Kupovina, prodaj i korištenje hartija od vrijednosti, pored novca, zahtijeva određena stručna znanja. Ako ne posjedujemo potrebna znanja, vještine ili umijeće za korištenje hartija od vrijednosti, možemo koristiti usluge berzanskih posrednika (brokera, dilera), investicionih savjetnika (pružaju savjetodavne usluge, kako upravljati berzanskim robama, kad i da li kupovati ili prodavati), menadžera specijalizovanih za pojedine oblasti finansijskog tržišta. Jer, funkcija finansijskog tržišta je spajanje ljudi koji imaju višak novca i žele nekako da ga uvećaju ili sačuvanju njegovu vrijednost sa ljudima koji znaju da ga produktivno uposle.

Za pravilno funkcionisanje hartija od vrijednosti na finansijskom tržištu, država donosi Zakone i Pravilnike za svaku hartiju od vrijednosti, odnosno koristi se Zakon o obligacionim odnosima, jer je tržište samo po sebi kompleksno, a dijelom i zbog toga što je finansijsko tržište važno za ekonomiju svake zemlje.